

Goibekokale

ELGETA / Barikua / 2003ko abenduaren 26a / 168. zenbakia

2003

urteari begiratu

ELGETA

SISTECO
MAKINA-ERREMINTAK

Makina-erreminten salmenta,
laguntza teknikoko zerbitzua (SAT)
eta berreraikuntza

Urte berri on guztioi!

URTARRILA



"Hirigintzak eta ingurumenak bide beretik joan behar dute, eta herriko politikoez ez dute ezer egiten hala izan dadin"

REBEKA UBERA
MAYA INGURUMEN TALDEKOA
2003-01-17

POLITIKA

Batasuna legez kanpo lagatzea salatu zuten herritarrek

Askatasunaren alde gaudelako manifestua sinatu zuten Elgetan Herri Batasuna, Euskal Herritarrok eta Batasuna alderdiek izandako zinegotziek eta Talde Independentek izandako zenbait zinegotzik.

Batasuna legez kanpo uzteko prozesuak herrian zein eragin izango zuen azaldu zion Bittor Gallastegik GOIBEKOKALERI:

"Elgetar zati handi baten ordezkari izan du normaltasunez lan egin, ilegalizazio prozesu baten barruan sartu gaituztelako. Eta horri ere aurre egin behar zaio. Beste lan batzuk egiteko indar handia eta denbora luzea kentzen dizkigu. Aurrerantzean zelan antolatu eta pentsatu behar da, ezker abertzaleak herrian jarrai dezan."/>

PRESOAK

Gaizkile elkarteko kide izatea leporatu zioten Ane Miren Alberdiri

Akizen atxilotu zuten Frantziako polizia Ane Miren Alberdi elgetarra. Lau egunean inkomunikatuta eduki ondoren, Laurence Levert terrorismoaren aurkako auzien ardura daraman epailearengana eramane zuten. Ane Mirenek eta berarekin atxilotutako beste biek atxilotetako bortizkeria salatu zuten. /2003-01-17



Batzar informatiboak egin zituzten.

OTSAILA



"Ustelkerixan bizi gara, ikustia nahi ez daban gizarte batian"

GEAXI EZPELETA
IKASLEA
2003-02-21

BATZARRA

Urteroko batzarra egin zuten mendizaleek Elgetan

Azken urteotan bezala, aurreneko Elgetan egin du Euskal Mendizale Elkartek urteroko batzarra. Besteak beste, gai hauek aztertu zituzten: ibilaldi luzetarako araudi berria; Federazioen Batasunarekin bategitea; Iparraldeko Taldeak EMFn; 2003rako aurrekontuak; 2002ko urtekariaren aurkezpena; 2003rako asmoak; eta eskaerak eta galderak.

Euskal Mendizale Elkarte-ko presidente Antxon Bandres-ek GOIBEKOKALERI adierazi zionez, hiru urte barru Mendizale Museoa zabalik egotea espero dute: "Elgetako Udalak eta gure elkarteak etengabe dihardute harremanetan Mendizale Museoaren proiektua aurrera eramateko. Hiru urte barru museo zabalik egotea da gure nahia". /2003-02-14

"Langileok sarritan berba egin dugu holakoren bat gerta zitekeela"



HARITZ GALLASTEGI
'EGUNKARIA'-KO KAZETARIA
2003-02-28

IKASTAROA

Ikastaro bereziak, txandaka lanean dihardutenendako

Txandaka lan egiten zuten elgetarrek ordutegiarekin arazoak zituzten KZGuneako ikastaro arruntetan parte hartzeko, hori zela eta, txandaka lanean ari zirendako ikastaro trinkoa antolatu zuten Elgetako KZGunean.

Ikastaroa otsailaren 24tik 28ra izan zen, eta eskolak arratsaldean izan ziren. /2002-02-08

IKASTAROA

Pertsona nagusiak eta gaixok zaintzeko ikastaroa

Udaleko eta Gipuzkoako Foru Aldundiko ongizate zerbitzuek pertsona nagusien eta gaixoen zaintzaile familiarrendako ikastaroa antolatu zuten.

Ikastaroan parte hartu zutenek ikasi zuten pertsona nagusiak eta gaixok zaintzeko oinarriko argibideak zeintzuk diren. /2003-02-14

POLITIKA

Elgeta Auzolanean plataforma aurkeztu zuten herrian

Elgetako ezkeriar eta abertzaleen plataforma bat aurkeztu zuten hilaren 22an Elgetako plazan. Ibarreko gainerako herri guztietan moduan, Gernikako deialdiaren ondorio zen plataforma. Elgeta Auzolanean izena jarri zioten.

Jai giroan egin zuten aurkezpena. /2003-02-21

HIRIGINTZA

Frontoi zaharra egokitzeak akordioa egin zuten

Aspaldi eskatu zuten Guraso Elkartekoek eskola kanpoko jolastokian estalita egongo litzatekeen gunea. Hala, Udalak eta Patronatuak frontoi zaharra egokitzeak akordioa egin zuten.

Frontoia egokitzeak lanek 2.404 euroko aurrekontua zuten eta asmoa zen martxo hasieran hastea lanekin. /2003-02-21



Zorionak denoi!

BOLATOKI

Eguneko menua

Asteburuan menu bereziak

Plater Konbinatuak, ogitartekoak eta kazuelatxoak

Karta eta babarrun-jana enkarguz

Artekale 2, ELGETA. 943 76 82 84

Juan Mari eta Idurre Arantzeta

MASAJISTAK

Salbador 28, ELGETA. Tel: 943 76 80 54 / 76 81 90

Urte berri on danoi!

MARTXOA



"Trakeko herritarren moduan, geuk be eutsi egin biharko dogu"

JABIER ARANTZETA
IRAKASLEA
2003-03-28



"Zuri jantzita jokatzea amaitu da, baina entrenatzen segiko dut"

DAVID PEÑALVER
OZKARBIKO PILOTARIA
2003-03-28

HIRIGINTZA


Hamalau alegazio jaso ziren arau subsidiarioak aldatzeko

Egin ziren hamalau alegazioetatik bederatzirekin euren lurretan arau subsidiarioek aurreikusten zituzten lur erabilpenekin ados ez zeudela herritarrek egin zituzten. Herriko zenbait elkarteek eta alderdik ere egin zituzten alegazioak.

Mayak, gaztetxeak eta Elgeta Auzolanian taldeak eskatu zituzten Debagoieneko eskualde-egiturako lurraldearen zatiko plana onartu arte Elgetako arau

subsidiarioen onarpena bertan behera geratzea. Aralarrek eta Ezindu Fisikoen Elkarteak ere egin zituzten beren alegazioak.

Arau subsidiarioei herritarrek egindako hamalau alegazioen gaineko txostena egin zuen hurrengo egunetan Udaleko arkitetoak. Horren ondoren, osoko bilkuran onartu beharko zituzten arauak, eta Gipuzkoako Foru Aldundiak eman beharko zukeen azken onarpena. /2003-03-28



zenbait elkarte eta herritarrek aurkeztu zituzten alegazioak.

EGUNKARIA

Elgetako Egunkaria batzordea aurkeztu zuten

Egunkaria-n lanean ziharduten Beatriz Zabalondok eta Haritz Gallastegik *Egunkaria*-ren aldeko batzordea aurkeztu zuten. Herriko elkarteek dei egin zieten *Egunkaria*-ren aldeko ekimenetan parte hartzeko. Besteak beste, harpidetzak egiteko dei egin zuten. /2003-03-07

HIRIGINTZA

89.361 euroko laguntza hirigintzarako

Eusko Jaurlaritzak Elgetako Udalarari 89.361,32 euroko dirulaguntza eman zion hirigintzako hainbat berrikuntza egiteko. Udaletik esan zuten, diru horrekin Espaloia aretoa egokitze lanak hasiko zituzten maiatz aurretik. Beste hainbat lan ere egin zituzten. /2003-03-14

APIRILA



"Gaur egun bizi dugun egoeraren aurrean, jendeari ondo pasatzeko aitzakia eman nahi izan diogu gure antzezlanarekin"

ANJEL ALKAIN
AKTOREA
2003-04-04

HIRIGINTZA

Larrabiltzearra landa lur izatea proposatu zuten

Larrabiltzearra landa lur modura lagatzea proposatu zuten Hirigintza, Obra eta Ingurumen batzordeak egindako bileran. Izan ere, ingurune hori urbanizatze-ko asmoa zeukaten, baina bertan etxeak ez egiteko proposamenak hartu zion aurre etxeak eraikitze-ko proiektuari.

Hainbat herritarren sinadurak jaso zituzten lurrotan etxeak eraikitze-ko nahiaren aurkako jarrera azalduz, eta Hirigintza,


Obra eta Ingurumen batzordean proposamena onartu zuten.

Larrabiltzearra ez zen izan landa lur izendapenari eutsi zion herriko gune bakarra. Sestoaldea gainen ere etxebizitza gehiago eraikitze-ko asmoa zegoen, baina hainbat arrazoiengatik, azkenean ez zuen proiektuak aurrera egin. Besteak beste, oraindik egiteko dagoen saihebidia inguru horretara aterako delako. /2003-04-16



Larrabiltzearrako lurrek bere horretan jarraituko dute, oraingoz.

Sasi guztien gaineretik eta laino guztien azpitik
Badihardugu



HERRIAREN HITZA ERRESPETATU

no apartheid



AUZOLANIAN UDALETXERA

MAIATZA



"Herriko sarrerako tunelian trafikua erregulatzia eskatuko notzake alkate berrixari"

MIREIA BERRIOZABAL
LANGILEA
2003-05-23

HAUTESKUNDEAK

EAJ-EA irabazle Aralarri bost botoko aldea aterata

Patxi Basaurik, 27 urtez alkate karguan jardun ostean, beste lau urterako berri zuten Udaleko postua. Maiatzaren 25eko hauteskundeetan Aralarrekin sekulako lehia izan zuten koalizioak, eta bost botoko aldearekin Oxel Erostarbe zerrendaburu zuten alderdiaren aurretik geratu zen. Horrela, udalbatza osatzeko orduan lau zinegotzi izan zituen

EAJ-EAk eta hiru ordezkari Aralarrek. Elgeta Auzolanian plataformaren botoak baliogabetu ez balituzte, hark zinegotzi bat izango zukeen Elgetako Udalean.


Normaltasuna izan zen nagusi hauteskundeetan. 843 elgetarrek zeukaten botoa emateko aukera eta horietatik 666 joan ziren gutun-azalak hautestontzietan sartzera. /2003-05-30

OMENALDIA

Intxorta elkarteak omendu zuten jaietako danborradan

Aurtengo danborradako saria Intxorta elkarteari ematea erabaki zuten, elkarteko hainbat jendek danborradan parte hartzeaz gain, berau delako Elgetako elkarteetatik danborradako filosofia ondoen jaso duena.

Danborrada berezia izan zen aurtengoa, herriko ereserkia estreinatuta zuten eta. /2003-05-16



Intxorta elkarteak omendu zuten.

EKAINA



"Estreinatuko dugun Elgetako himnoa oso solemnea da"

JOSU DE VEGA
DANBORRADAKO ANTOLATZAILEA
2003-06-06

UDALA

EAJ-EAk eta Aralarrek osatu zuten udalbatza

Patxi Basauri Elkoro izendatu zuten berriro ere Elgetako alkate, bere koalizioko kideek emandako botoei esker. Aralarrek zinegotziak, berriz, euren hautagai Oxel Erostarberen aldeko botoa eman zuten.

Aralar alderdiko alkategai Oxel Erostarbek EAJ-EA koalizioaren zinegotzietan baliogabetutako botoak errespetatzeko eta plataformari zegokion eserlekua lagatzeko eskatu zien.

Izan ere, boto horiek balio izango balute, zinegotzien banaketa ezberdina izango litzateke: EAJ-EA koalizioak ordezkari bat galduko luke Elgeta Auzolanian plataformaren mesedetan.

Udalbatza berria osatzeko bilkuran normaltasuna izan zen nagusi. Udaletxe aretora joandako 30 herritar inguruk jarraitu zuten ezohiko bilkura. /2003-06-20



Udalbatza osatzeko bilkuran normaltasuna izan zen nagusi.



"Oraingo ikasle batzuen gurasoen irakasle izandakoa naiz eskolan"

LUPE IBARBIA
HERRI ESKOLAKO IRAKASLEA
2003-06-27

JAIAK

Asentzio Eguneko urteroko jaiak euripean amaitu zen

Asentzio Eguna ospatu zuten elgetarrek ekainaren lehen. Goizerako antolatutako ibilaldian jende gutxi hartu zuten parte, baina eguerdian jende dezente inguratu zen.

Arratsaldeko zaparrada hasi bezain laster, dena batu eta Elgetara joan ziren herritarrek, han jaiak amaitzera. /2003-06-06

TXIRRINDULARITZA

Elgetarrek omenaldia egin zioten Jone Muxikari

Emakumeen Birako erlojukurtrako proba Elgetan amaitu zen hilaren 14an. Egun hori aprobetxatuz, omenaldia jaso zuten Jone Muxikari elgetarrak.

Jone Muxikak Euskadiko Ziklo-kros Txapelketa irabazi zuten urte hasieran, Beran, eta zortzigarren izan zen Espainiako Txapelketan. /2003-06-20



BARRENENGUA BASERRI TURISMOA

Egoetxeaga auzoa
20690 ELGETA
Tel: 943 76 82 21

Urte berri on zoriontsua!



Elgeta-Piel



Urte berri on zoriontsua opa dizkizuegu denoi!

Domingo Iturbe 8 ELGETA 943 76 81 12

UZTAILA



"Inoiz Athleticen jokatzek ikaragarriko ilusioa egingo lidake"

MIREIA RUBIO
FUTBOLARIA
2003-07-04



"Ukrainan osasun arazoak dituztelako etorri dira ume hauek"

ARANTXA ASKASIBAR
UKRAINARRAK ETXEAN UDAN
2003-07-18

EGUNKARIA

Dirulaguntza bikoitza lortu zuten 'Egunkaria'-rendako

Euskaldunon Egunkaria itxi zute-
metik, lanean jardun zuten egu-
merokoaren alde dirua batzeko
Elgetako batzordeko kideek. Itxie-
ratik lau hilabete pasa zirenean,
elgetarrek jarritako helburua lortu
ez eziz, ia bikoiztera ere iritsi
ziren, eta diru gehiago batzea
izan zen hurrengo helburua.

Elgetako Egunkaria-ren alde-
ko batzordekoek hasierako pro-
testa ekintzez gain beste hainbat
lan egin zituzten Berria egunka-

riaren proiektua aurrera atera
zedin. Besteak beste, kamisetak,
metxeroak eta pinak saldu zituz-
ten, eta diru asko atera zuten.

Berria egunkaria aurkeztu
zuten egun berean, Elgetan egun-
kari horren alde dirua batzeko
kirol festa egin zuten, eta bertan
lortutako diruarekin 300 euroko
zazpi akzio erosi zituzten. Hain
zuzen ere, akzio horiek batzor-
dean ibili ziren kide batzuen ize-
nean erosi zituzten. /2003-07-24

PILOTA

Sorarrain eta Apeztxea lau t'erdiko txapeldun

Eñaut Sorarrain alkizarra
izan zen txapeldun aurtengo
ETB Kantxa lau t'erdiko txap-
elketan, 23 urtez azpikoe-
tan. Kadeteetan, berriz, Ape-
ztxea goizuetarra. Sorar-
rainek 22-13 irabazi zion
finala Mendizabali eta Ape-
ztxea 22-12 nagusitu zen Ira-
olaren aurka. /2003-07-11

JAIK

Adin eta gustu guztiendako ekitaldiak izan ziren jaietan

Jai giroa nagusi izan zen Elgetan
jaietan. Mozorroak, herri
kirolak, danborrada, umeendako
jolasak, musika, dantzak... Ez
zen ezer falta izan. Ekitaldi nagu-
sienetakoa danborrada izan zen.
Ume eta heldu, guztiak aritu
ziren danborrak astintzen. Ber-
tan estreinaldia: Elgetako Mar-
txaren doinua. /2003-07-11

TXIRRINDULARITZA

Ceballos nagusi Mendiko Txirrindulari Lasterketan

Uztailaren 20an jokatu zen XIX.
Euskadiko Mendiko Txirrindu-
lari Lasterketa. Helmugan Alfus-
Tedes taldeko Jacinto Ceballos
bizkaitarra izan zen nagusi; 122
kilometroko ibilbidea hiru ordu
15 minutu eta 12 segundoan egin
zuen. Elgetako lasterketa Eus-
kaldun Zirkuiturako puntuaga-
ria izan zen. /2003-07-24

ENPRESA

Lanuztea eten zuten Forjanor enpresakoek

Forjanor enpresako produk-
zioko langileek greba muga-
gabea hasi zuten uztailaren
7an, eta hilaren 14ra arte gel-
dirik egon ostean, greba eten
egin zuten. Hitzarmen pro-
pioa lortzea zen langileen hel-
burua. Sidenor Industrial tal-
dekoek erabakiren bat hartu
zain geratu ziren. /2003-07-18

ABUZTUA



"Eskalatzaileok ez ditugu milioiak irabazten, baina geure burua ezagutzen dugu gauzak mugara eramanez"

PATXI USOBIAGA
ESKALATZAILEA
2003-08-31

JAIK

Salbador kaleko jaiak ospatu zituzten abuztuaren 6an

Urtero moduan, Salbador egunez
jaiak ospatu zituzten izen bere-
ko kaleko bizilagunek.

Salbador ermitaren alboan
txopoa altxatu zuten goizean,
etxafuego zarataz lagunduta, eta
jaiak hasi ostean meza izan zen
Salbadorren bertan. Mezaren
ondoren, soinu jotzaileek alaitu
zuten giroa eta salda, txorizoa eta
tortilla jateko aukera izan zen.

Arratsaldean umeek jolasean
jardun zuten eta gero etxeko txi-
kienendako txirrindulari proba
izan zen. Salbador kalean gora
ermitaraino igo behar izan zuten
bizikletaz.

Indarrak berritzeko herri afa-
ria izan zen Salbador kalearen
ostean eta, jaiak amaitzeko, erro-
merian dantzarako doinuak Joxe
Gardokiren eskutik. /2003-08-08

HERRIA

Elizako ordularia geldirik egon zen abuztuan zehar

Abuztuan jendeak oporrak har-
tu zituen, eta badirudi elizako
erlojuak ere lana albo batera laga
zuela. Bigarren astean gelditu, eta
probak egin zituzten arren, irail
hasieran ezin izan zituzten orra-
tzak berriz mugimenduan jarri.
Izan ere, erlojua oso zaharra da
eta pieza batzuk hondatuta omen
zitu. /2003-08-15



Ordulariak ere oporrak hartu zituen.

Urte berri on!



PANA DE ROKUA
JATE TXEAL

- Eguneko menua: 7 euro
- Plater konbinatuak, bokatak eta kazuelatxoak

- Asteburuetan menu berezia: 12 euro
- Espezialitateak: babarrun-jana eta saihsa

IRAILA



"Pilotan gustura jardungo duen koadrilatxo bat badelako antolatu dugu txapelketa, lagun giroan pilotan egiteko"

FERNANDO ZENITAGOIA
BETERANOEN PILOTA TXAPELKETAKO ANTOLATZAILEA
2003-09-19

HIRIGINTZA

Babes ofizialeko hogeitxehizita Torrealdean

Abuztuaren 4an Gobernu batzordeak egindako osoko bilkuran hainbat gai landu zituzten. Besteak beste, Torrealdeko lurra urbanizatzeko proiektua behin betiko onartzeko erabakia hartu zuten bertan.

Urbanizazio proiektu horren kostu osoa 1.464.295,10 eurokoa dela jakinarazi zuten Udaleko teknikariek eta adituek, eta urba-

nizazio lanak irailean edo, beranduenez, urrian amaituko zirela.

Behin lurra urbanizatuta, bertan eraikinak egiteko modua izango da, eta hori zen, hain zuzen ere, aurreikusita zegoena: Torrealdean 76 etxebizitza eraikitzea. Hain justu ere, etxebizitza horietatik hogeitxehizita ofizialekoak izango dira eta gainerakoak, berriz, libreak. /2003-09-12

GERTAKARIAK

25 urteko zigorra eskatu zuten Elkoro hil zuenarendako

Donostiako Auzitegiko fiskaltzak 25 urteko kartzela zigorra eskatu zuen Arrate Elkororen uesteko hiltzailearentzat.

Fiskaltzak, 25 urteko zigorraz gain, akusatuari Elgetan sartzea debekatzeko eskatu zuen, bost urtez. Horrez gainera, kalteordaina ematea alargunari eta alabei. /2003-09-05

JAI GIROAN

180 litro sagardo edan zituzten elgetarrek Sagardo Egunean

Kupela sagardoaren hotela dela dio kantuak. Egun batez izan bazen ere, Elgetak eman zion ostatu sagardoari irailaren 13an.

Zazpi bat kupel jarri zituzten plazan eta, sagardoaz gain, beste hainbat ekitaldi ere izan ziren: Tortilla Lehiaketa, malabare ikuskizuna eta musika, besteak beste. /2003-09-26

URRIA



"Tai-chiak gorputzari oreka eta harmonia ematen dizkio"

ASUN MARTINEZ
TAI-CHIKO IRAKASLEA
2003-10-03

HEZKUNTZA

Pakistango hiru haurrek ikasturtea hasi zuten herrian

Urrian hiru ikasle berrik hasi zuten ikasturtea Herri Eskolan. Pakistandarrak dira hirurak, familia berekoak, hain zuzen ere. Aitaren lana dela eta etorri ziren Elgetara beste hainbat seniderek eta urria ezkeror bere gelan dago eskola hartzen.

Safae, mutiko txikiena, 2 urtekoen gelan hasi zen, Gull neskatala 5 urtekoekin eta 6 urtekoekin Akibtufail.

Hasieran, komunikatzeko hainbat zailtasun izan zituzten eskolan, umeek ez zuten-eta ez euskaraz ezta gaztelaniaz ere berba egiten. Eskolan esan zigutenez, laguntzaile bat bidaltzeko zain zeuden bitartean nola edo hala elkar ulertzen saiatzen ziren ikasle atzerritarrek eta irakasleak.

Hezkuntza Sailak etorkinak eskolatzeko irizpide berriak prestatzen dihardu. /2003-10-17



Urrian hasi ziren hiru anai-arreba pakistandarrak: Gull, Safae eta Akibtufail.

"Elgetan lagunak ditut, eta bertan antzezteak ilusio handia egiten dit"

MIKEL LASKURAIN
AKTOREA
2003-10-17

HIRIGINTZA

Tunel azpian espaloiak jartzen hasi ziren zirkulazioa moteltzeko

Herrian zirkulazioa moteltzeko asmoz, hainbat lekutan espaloiak egiteko erabakia hartu zuten. Besteak beste, tunel azpiko alde bietan egin zituzten.

Baina obrak ia amaitzean zehala aldaketak izan ziren eta berriz egin behar izan zuten alde batekoa. Izan ere, espaloi ertza inklinatuta egin zuten. /2003-10-10

GARRAIO PUBLIKOA

Autobus gehiago eskatu zituzten herritarrek

Garraio publikoaren arazoa zenbaterainokoa zen ikusteko herritarren artean galdeketa zabaldu zuten Elgetako Udalak.

Erantzunak jasotzeko epea amaitu ondoren, ehunetik gora orri batu zituzten udaletxean, eta emandako erantzunen artean autobus gehiago eskatu zituzten gehienek. /2003-10-31

*Elena Elkorok zorionik beroenak opa dizkizue elgetar guztioi.
Zorionak eta urte berri on!*



SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea • Solariuma
- Reflexologia • Drenaje linfatikoa
- Hidromasajea • Algekin eginiko estalkia
- Kirol masajea • Depilazioa laser bidez
- Podologia •

Urte berri on!

Dei ezazu **646 50 00 29** telefonora ordua eskatzeko

AZAROA



"Euskal Herria paradisua da 'quad'-ean ibiltzeko"

ALBERT ESPINAL
"QUAD" ZALEA
2003-11-07



"Gurasoek umeei kantatzeko baliabideak eskaintzeko da ikastaroa"

ANA ALTUNA
MUSIKA IRAKASLEA
2003-11-28

INTERNET

Udal webguneak 27.000 bisitatik gora urtebetean

Azaroaren 10ean bete zen urtebete Elgetako Udalak webgune herritua aurkeztu zuela. Denbora horretan, erabiltzaileek erantzun ona eman dute. Hau da, bisitatu eta orri ikusien kopuruek gora egin dute pixkanaka. Irailan eta urrian batez ere kopuruek izugarritzko gorakada izan zuten.

Webgune dinamikoa da www.elgeta.org helbidean aurkitzeko. Edukiak egunera-

tuz, albiste berriak argitaratuz eta informazioa e-posta bidez banatuz lortzen du dinamikotasun hori. Urte honetan 200 albistetik gora sartu dituzte. Harpideek, gainera, webgunean ipini ahala jasotzen dute albiste bakoitza euren posta elektronikoa.

Goiena Komunikazio Zerbitzuek lantzen dute edukia, bai atal finkoa baita albistegia eta agenda ere. Zope sistemarekin garatzen da. /2003-11-07

ERREPIDEAK

Izarreko bihurguneko zuloak estali zituzten

Gipuzkoako Foru Aldundiko Errepide Saileko mantentze-lanen taldeak Izarreko bihurgunea konpontzen jardun zuen. Bihurgunearen barruko aldean asfalto kapa batzuk bota zituzten zulo handienak estaltzeko. Konponketa behin-behineko irtenbidea izan zen. /2003-11-14

HILERRIA

Kanposantuaren ekialdeko zatia egokitu zuten

Herriko hilerrian lurperatze gehiago egiteko leku gabe geratzen dihardute Elgetan. Hori dela eta, egokitzapen lanak egiteko asmoa azaldu zuen Elgetako Udalak. Horretarako, ordea, lurperatuta zeuden senitartekoei jakinarazi zieten lanean hasi aurretik. /2003-11-21

ABENDUA



"Neurri handiagoan edo txikiagoan baina denok daukagu estresa eta oso estresatuta bagaude beharrezkoa da laguntza"

KARMELE BENITO
FAMILIA MEDIKUA
2003-12-12

ETXEBIZITZAK

Torrealdeko lehen etxeak egiteko lanak hasi zituzten

Torrealdean etxeak eraikitze asmoa aspaldikoa da, baina abenduan zehar hasi ziren obrak egiteko inguruak egokitzen. Zimenduak ipintzea zen lehen lana eta horretarako makinak eta kamioiak pasa zitezen bide bat egokitu zuten Berraondokuatik Torrealdeara bitartean.

Ondoren, zimenduak ipini eta Plazatik gertuen dagoen alderdian 16 etxebizitzako eraikina egiteko lehenengo fasean.

Promoio librekoak izango dira lehenengo eraikiko dituzten etxebizitzak. Ondoren, inguruaren urbanizazioa egingo da, eta baliteke orain obretarako egindako behin-behineko bidea gero behin betikoa izatea.

Guztira, Torrealdean 76 etxebizitza eraikiko dituzte bost bloketan banatuta. Horietatik 20 babes ofizialekoak izango dira, oraindik zeinek egin erabaki ez badute ere. /2002-12-5



Abenduaren erdialdean hasi ziren obretarako bidea egiten.

Udalerriak Aramaio Are Arriarria Bergara El Mundo Elgeta Esko Gara goiena.net Mankomunitateak

Elgetako Udala

castellano | Web.m30

Elgeta Herria | Udala | Kultura Kirola | Turismoa | Albisteak | Egutegia | Arau subeldiarak

Hemen zauden: Sarrera

ALBISTEAK

Helduentzako lau t'erdiko pilota txapelketa

Helduentzako lau t'erdiko pilota txapelketa barnean, hirugarren jardunaldiko partidua joan den zapatu eta domekan jokatu zituzten Elgetako pilotalekuan.

Emaitzak:

Urriak 31, ostirala, 20:30ean:

- Txapel / I. Agirregomezkorta 22 - 13 Otxoa / Mikel Elkoro.
- J.R. Irazabal / Iñaki Izagirre 4 - 22 Alex Aranzabal / Alberto Telleria.
- Astier Morales / P. Zenitagola 10 - 22 Miguel Aranzeta / J. M. Aranzeta.

tourist information

2003 - Azaroa

A	A	A	O	O	L	T
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

Datuen hitzerdiak

Etxe traste zaharren bilketa eta

Alkoholiko Anonimen Elkartea

Urtebete egin du Elgetako webguneak sarean.

ILE APAINDEGIA

Marijok urte berri on opa dizue!



Andra Mari plaza 2
Tel.: 943 76 81 97
ELGETA



Patxi Taberna

Zorionak denoi!

- Bokata goxoak
- Plater konbinatuak
- Espezialitatea: Tripakiak

Salbador 3 Tel.: 943 768 093 Elgeta

ELGETAKO UDALAK HERRITARROI GABON ZORIONTSUAK OPA DIZKIZUE!



ARALAR

Pertsona guztiak
Idea guztiak
Proiektu guztiak

Su etena, elkarrizketa
AUTODETERMINAZIOA

Inon ez inor menpekorikan
nor bere buruaren jabe
herri guztiok bat eginikan
ez gabilta gerorik gabe

Batek goserikan diraueno
ez gara gu asetuko
beste bat inon loturik deino
ez gara libre izango.

Artze

Zure laguntza ere beharrezkoa zaigu

Salbador kalea 1

20690 Elgeta

elgeta@aralar.net

943768306

www.aralar.net